



KERATAN AKHBAR

SURAT KHABAR	: HARIAN METRO	MUKA SURAT	: 63
TARIKH	: 3/9/2018		
JABATAN	: PERHILITAN		
KLASIFIKASI	: PERHATIAN		

HARIAN METRO

■ **Pengunjung tak lepas peluang dekati pak belalai sempena Hari Gajah Sedunia di Kuala Gandah**

Nazirul Roselan
cnews@nstp.com.my

Temerloh

Gajah paling tua yang dinamakan Lukimala dari India berusia 81 tahun menjadi tarikan pengunjung sempena sambutan Hari Gajah Sedunia di Pusat Konservasi Gajah Kebangsaan (PKGK) Kuala Gandah dekat sini, semalam.

Selain itu, anak gajah betina diberi nama Eli berusia dua tahun dan sepasang gajah Rambai dan Abot turut menjadi perhatian pengunjung dengan aksinya pada sambutan bertemakan 'Oh My Gajah' itu.

Sambutan itu dihadiri 2,000 pengunjung dengan 21 gajah dipamerkan kepada orang ramai acara menjamu 2,000 kilogram makanan kepada haiwan terbahit.

Difahamkan, Lukimala ditempatkan di situ sejak 1986, manakala Eli pula dibawa ke PKGK pada Mac lalu selepas ditemui cedera di Jeli, Kelantan hingga menyebabkan kaki kanannya kudung.

Rambai dan Abot pula digunakan Jabatan Perlindungan Hidupan Liar dan Taman Negara (PERHILITAN) untuk kerja memindahkan gajah liar.

Upacara perasmian sambutan itu dilakukan Ketua Pengarah PERHILITAN Datuk Abdul Kadir Abu Kassim.

Selain pameran, pelbagai aktiviti menarik disediakan seperti tayangan video, pertandingan mewarna dan kuiz.

Pengunjung, Hairi Yusuf, 41, dari Putrajaya berkata, sambutan itu sangat dinantikan keluarganya kerana tidak mahu melepaskan peluang menyaksikan gajah yang ditempatkan di PKGK.

"Ini peluang keemasan, rugi kalau tidak datang... selain dapat melihat haiwan dengan lebih dekat, ini juga peluang untuk kita kenali dan fahami ancaman dihadapi haiwan terbahit," katanya.



GAJAH dijamu makanan sempena sambutan Hari Gajah Sedunia.



**Lukimala
cuit hati**

GELAGAT pelancong bermain dengan gajah di PKGK Kuala Gandah, semalam.

PENGUNJUNG diberi peluang mendekati gajah pada sambutan Hari Gajah Sedunia, semalam.



AKSI Eli diberi susu menarik perhatian pengunjung.



03-09-2018

set... 63